



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. XXIII. De Captivitate Kynstod.

urn:nbn:de:hbz:466:1-11850

CAP. XXII.

De

Pace facta inter ipsos.

Anno Domini MCCCXLIII. Dominus (a) Luderus Magister generalis pacem fecit & concordiam cum Rege Polonorum, reddendo sibi terram (b) Cojaviensem & Dobrinovensem & castrum Bronburg (c) in die S. Jacobi.

ANIMADVERSIONES.

(a) Factum hoc est Ludolpho Koenig Prussiam gubernante, qui etiam Magister Civitatem Dantiscanam principalem (die recte Stadt ut vocant.) muro cingere coepit An. 1343. *Vid. Schuz, lib. 2. Chron. Pruss. fol. 71. a.*

(b) Rex vero Casimirus omni jure, quod in Pomeraniam, Culmensem atque Michelaviensem Provincias, ut & in Nieschoviam, Orlowvum atque Murinoviam pretendebat, se abdicavit. *Schuz, loc. cit.*

(c) Die Sabbathi Kiliani martyris & ejus Sociorum An. 1343. Calissia, conscriptum est instrumentum Pacis, ut vocant. Hoc vero deinde die 22. Iuli, id est, in die S. Magdalena, jurejurando ab utraque parte prestito confirmatum est. *Schnz. loco citato Vid. & Neugeb. lib. 3. Hist. Polon. pag. 201.*

CAP. XXIII.

De

Captivitate Kynstod.

Anno Domini MCCCLXI. tempore Magistri Winrici anno regiminis sui X. in vigilia Palmarum Kynstod Rex Lethovinorum captus est in venatione per quendam Fratrem Ordinis dictum (a) Gerh. Kranichsfeld & tenebatur in Marienburg (b) sub diligentia custodia. Nihilominus (c) in profecto S. Elisabethae inde clandestine recessit.

ANI.

ANIMADVERSIONES.

- (a) Wilhelm von Ernfeld Provisor (Pfleger) Lyccensis ipsum ce-
pisse dicitur, proditione cuiusdam Lithyani, ut refert Simon Grun-
novius *Tract. 13. cap. 3.* Schuzius Henricum, Provisorem Ekkers-
bergensem fuisse dicit *lib. 2. Chron. Pruss. fol. 75.* Referuntque illi
Kieystutum non in venatione eo anno, sed in prælio in fugam con-
jectis Lithvanis fuisse captum. Conciliationem horum suppeditat
nobis Albertus Wijuk Kojalovicz qui bis Kieystutum in po-
testatem Cruciferorum venisse refert, in ultima verò hac expedi-
tione, de qua Dusburgii Continuator agit, ab Henrico Hekerbego
Equite, Ductore exercitus Germanici Henrico Crumfelt, captura
esse Kieystutum dicit. *Part. I. Hist. Litvian. lib. 8. pag. 324. seq.*
- (b) Ministrabat tum ipsi Lithvanus quidam, qui sacris Christianis initia-
tus ibidem liberè agebat, Equitibusque Ordinis Teutonici fidelissimus erat.
Nomen ejus Alff vel Aloff fuisse scribit Schuzius *locu-*
citato. Simon Grunovius verò nomen ejus fuisse dicit Michael
von Lauff.
- (c) Sex hebdomadas in captivitate exegerat, ut auctor est Grunovius.

CAP. XXIV.

De,

Adventu Casimiri.

Anno Dn. MCCCLXV.
Rex Poloniæ (a) Ca-
simirus venit in Mariæ-
burg , & habuit consilia
cum Magistro generali
Winrico, quem Magister honorificè pertractavit.

ANIMADVERSIO.

- (a) Casimirus cum pacato Comitatu Prussiam ingressus est, videndi Ma-
riæburgi aliarumque arcium & oppidorum gratia , quæ Cruciferi
frequentia , permunita & bene constituta habuere, ut ad eorum
exemplum Poloniæ etiam cultiorem redderet. Ubi perhumanè
H hh atque

An. Dn. MCCCLXVII. Civitates maritimæ
exercitu potentissimo Regnum Dacie intra-
verunt propter multa intolerabilia damna-
eis per Regem illata, villas & oppida deva-
stantes & Regem à Regno expulerunt.